



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput V. (a) Gregorius IX.

[urn:nbn:de:hbz:466:1-74526](#)

C A P U T V.

(a) Gregorius IX.

Eum, pro quo te' fidejussorem obligasti, si diu in debiti solutione cessavit, aut dissipare bona coepit, seu super hoc condemnatus fuisti, jure poteris convenire, ut te à fidejussione debeat liberare.

N O T A E.

(a) **G**regorius. Qui præsentem constitutionem deprompsit patrim ex l. *Lucina* 38. §. 1 ff. mandari, partim ex l. *fidejussor* 10. C. *de fidejussor*. l. *fidejussor* 45. ff. hoc tit. ut notavit Cujacius in cap. 3. hoc tit. In præsentis ergo Gregorius tres casus proponit, & exponit, in quibus fidejussor agere potest contra reum principalem, ut eum ab obligatione liberet antequam pro eo satisfatia. Primus est, cùm debitor morosè diu in solutione cessavit, quem exposui suprà in cap. 3 Secundus est, si debitor coepit labi facultatibus, & ad inopiam vergat; iusta enim causa evitandi periculum adest; si debitor bona dissipet, l. *fidejussor* 10. §. 1. C. hoc titul. quod etiam procedere tam in contractibus bona fidei, quam stricti juris, contra Gossan, Alciatum, Cujacium. & alios probat nonnullis relatis Petrus Barbosa in l. in omnibus 41 ff. *de judicis*, qui probat contra Castrensem, ut etiam si paupertas, vel jauctura bonorum, non culpâ debitoris, sed casu fortuito supervenerit, adhuc debitor cogatur fidejussorem ab obligatione eximere, & merito; nam si medio tempore reus, aut fidejussor labatur facultatibus, debitori etiam succurritur, l. 10. in fine, ff. qui facit d. cog. l. 4. ff. ut in posses. legat. l. 4. ff. de prætor. stipul. l. 41. ff. de petit. baredit. l. 14. §. 2. ff. de constit. pecun. l. 5. C. de sponsatib. sed si jam lapsus erat facultatibus reus cùm fidejussor intercessit, non succurritur fidejussori, nec potest agere ut à fidejussione liberetur, l. si s. à quo. ff. ut in posses ut contingit in creditore, qui fidejussores pauperes acceperit, qui non potest alios petere, l. 3. ff. hoc titul. l. 1. §. illud, ff. separat. licet in marito vergente ad inopiam favore dotis contrarium obliteretur, l. si cum 22. §. si mulier, ff. solut. marim. Ne enim indotata remaneat uxor, maritus cogitur, et si jam tempore contracti matrimonii coepisset facultatibus labi, novam securitatem dare. Si ergo reus principalis coepit bona dissipare, facultatibusque labi, potest fidejussor agere ante solutionem ad indemnitatem, seu ut ab obligatione liberetur. Nec contrarium probat textus in l. ultima, ff. de convaria actione tutela, ibi; Si tutor pro pupillo se obligavit, habet convariam actionem, & antequam solvat. Et quibus verbis deducitur, fidejussorem semper posse agere, & antequam solvat: ergo siue coepit facultatibus labi reus principalis, siue non, semper fidejussor ante solutionem agere potest. Pro cuius difficultatis solutione dicendum est cum Cujacio, lib. 2. obser. cap. 26. tutorem pro pupillo duplifici modo obligari posse. Primò circa novationem, fidejubendo, seu constitudo se soluturum finito tutelæ officio, cum ipse à tutoribus purillaribus conveniri non possit: nec ipse ante

solutionem etiam rectè agit contraria tutela actione, l. 5. ff. quando ex facto tutoris, l. tutor 28. ff. de administr. tut. l. cùm quidam, C. eod. tit. l. ultima, §. ultim. ff. ut legatorum nomine, ut regulariter in aliis fidejussionibus contingit. Secundo modo obligari potest tutor pro pupillo novatione facta, & in se transtata obligatione; quo casu cùm statim ipse possit conveniri, etiam contrario iudicio tutelæ agere valer, ut liberetur, exemplo curatoris Reipublice, qui si administrationis tempore se obligavit novatione facta post depositum officium, conveniri potest statim, atque ideo etiam antequam solvat in Rem publicam agere potest, l. 3. §. in eum, ff. de administr. rem. ut docuit Cujacius vñ proxime.

Secundo obstat textus in l. *fidejussor* 26. ff. de pignor. ubi cùm debitor principis magno ære alieno obstrictus esset, fidejussor non egit ad indemnitate, ut securus redderetur, sed potius ff. ut impetravit à potestate, ut pignora debiti causas tradarentur, ut satisfacere posset creditoribus, & cùm ipsis rebus traditis adhuc creditoribus non satistecisset, heres debitoris principis paratus satisfacere peuit sibi pignora restituiri. Et Confutus Modeltinus respondit, pignora à fidejussore restituenda esse hæredi debitoris. Quod quidem Modeltinus responsum difficile valde est ex sequentibus. Primò dum supponit, fidejussorem potius pignorum dominum imperiale, quām pignus, ut ab obligatione liberetur, cùm debitor principis coepisset facultatibus labi: ergo quia nec eo casu agere fidejussor ad indemnitatem potest. Secundò dum etiam supponit fidejussorem dominum pignorum imperiale à Potestate, cùm tantum Princeps eo casu dominum concedere posset, l. eleganter, ff. de pignor. action. l. debitor 59 ff. ad Tutelet l. si n. qui in aliena, §. penult. & ultim. ff. de acquir. rer. domi. l. 1. 2. & 3. C. de jure domin. imper. Tertiò, quia eo casu post adductum pignus creditoris competebat debitori jure antiquo annus, hodie biennium ad litionem pignoris, l. 3. C. de jure domin. imper. dict. l. si s. quis 62. de acquir. rer. domin. Sed ut suo ordine his difficultatibus satisfaciamus, prima respondendum est, in ea specie reum principalem jam tempore fidejussoriae obligationis fusse magno ære alieno gravatum, non autem fusse possea facultatibus lapsum; quod facile suaderetur si observeremus, creditem non solum fidejussorem accepisse, verum & pignora. Unde cùm ipse postea non ceperisset bona dilapidare, non poterat fidejussor beneficio præsentis textus uti, sed potius pignorum dominum impetrare. Secunda difficultas ut satisfaciat Cujacius in eo textu, lib. 4. ref. Model. pro illis verbis, impetravit à Potestate, legit; impetravit à Principe. Sed ut eruditè probat Merillus lib. 2. ex Cujacio

Cujacio cap. 13. mendum hoc minus necessarium est, quia Princeps verbo Potestatis plerunque comprehenditur, & significatur, ut apud D. Machaem cap. 8. ibi: *Nam & ego sub potestate constitutus, id est sub Cæfare. Tertia tandem difficultati respondendum est, quod cum pie-*

tatis iniuitu permittatur ipsi debitori intra annum pretio oblato pignus lueri, & beneficium hoc sit personale, non transit ad hæredes ipsius debitoris: quare si fidejussor in specie textus in dict. l. 26. creditoribus satisfecisset, hæredes debitoris audiendi non erant, sed quia fidejussor creditoris non satisfaciebat, ideo pignora in eo casu hæredibus debitoris restitui jubentur: docent Cujacius, & Merillus ubi supra.

Tertius casus contingit si jam condemnatus fuit fidejussor, licet nondum solverit creditori; nam justam causam timoris habet, dict. l. *Lucius* 38. §. 1. l. si mandatu 45. §. sed si mandavero, ff. mandati, l. fidejussor. 45. ff. hoc tit. non enim cogit pati detrusionem in carcere, vel cedere bonis; & ignoscendum est ei, si in tempus patcat pudori suo, l. *Quincus* 48. ff. mandati l. 1. C. qui bonus cedere: optimè Donellus in l. 10. num. 6. C. mandati, & lib. 13. comment. cap. 13. per sententiam enim condemnatus jam est de proximo solutorius, & ita haber statim actionem mandati; ad quem casum refert texum in l. si ei cui 11. ff. mandati, Faber in eius rationali; licet in materia evictionis res non dicatur evicta per sententiam, nisi sententia executionis mandata sit. Rectè autem Scavola in dict. l. fidejussor 45. docuit hoc casu indemnem præstare fidejussorem, ad officium judicis pertinere, quia cum ante solutionem fidejussoris non adimpletur mandatum, non posse agi actione mandati directa, sed utili, ut docent Donellus dict. cap. 13. vers. secunda, Bodilla lib. 5. polit. cap. 1. num. 86. Villadiego in forma libellandi, num 130. Barbosa in presenti, num. 8. licet non me lateat, dari nonnullos casus, in quibus fidejussor ex speciali ratione antequam solvat actione mandati agere possit, ut in l. si procuratorem 8. §. penult. vers. sed & istra, l. idem 10. §. & Papinius, l. si vero 12. §. si adolescentis, l. si quis 27. §. qui mandatum, l. si quis 30. ff. mandati, *Lucius* 24. ff. hoc tit.

His tribus casibus in praesenti à nostro Gregorio relatis alios quatuordecim adjungi: Menochius dict. casu 51. & nonnullos Antonius Gomez variar. capite 13. num. 10. Christineus tom. 1. decis. 138. Barbosa hic . num. 12. quos sigillatim disputare instituti nostri non est; ille tamen apud omnes receptus videtur, videlicet, si ab initio fidejussor ad tempus, id est ad duos annos, obligetur, & postea terminus obligationis principalis prorogetur inscio fidejussore, omnino eum in futurum non obstringi, in praeteritum vero, seu respectu obligationis, pro qua intercessit, illum efficaciter obligatum manere. Exemplum ponit Matthæus Colerus de processu

executivo cap. 10. num. 310. cum quis fidejussor pro officiali, & rationibus ejus in annum; sed ex pleto eo officium prorogatum sive incontulito fidejussore; quo casu dicimus fidejussorem teneri quidem, sed tantum de periculo prioris anni, quo solo fidejussor fuit; non autem temporis futuri, seu annorum in sequentium. Proabant textus in l. si unus 27. §. si cum reo, l. ultim. ff. de pactis, l. item queritur 13. § qui impleto 11. ff. locati, l. si cum Hermes 7. C. cod. l. si fidejussor 27. C. hoc tit. docent latè, utiliterque explicant Valenzuela confil. 9. ex num 20. Noguerol. alleg. 21. portoram, Barbosa voto 86. Cancerius lib. 1. var. cap. 14. ex num. 40. Heringius dict. cap. 20. §. 12. Pittus Maurus sect. 10. §. 44. Ratio est, quia aperte constat eum, qui ad tempus fidem suam interponit, nolle post id tempus obstringi; & ita extra verba, & conventionem fidejussori non est extendenda, cum sit contraetus stricti juris, l. quaq[ue] 9. ff. de verb. obi. Hinc rescriptum est, fidejussorem, qui in certum tempus iudicio sisti aliquem promisit, in tantum tempus dumtaxat teneri, in quantum se obligavit, l. si fidejussor 27. vers. Ipsi incertum. C. hoc tit. Et respondit Labeo in l. Labeo 25. §. ultimo, ff. de recept. si in primo compromisso per fidejussores cautum fuerit, & idem in sequenti fidejubere noluerint, alios in eo adhibendos. Nec obstat pignorum, & fidejussorum parem cautam esse, l. premissor 21. §. ultimo, ff. de constit. pecun. 1. 1. §. sub 9. ff. de collat. boror. l. 4. §. adduci 8. ff. de fideicommissis libert. sed in reconductione pignora priors obligationis obligata manent: igitur & fidejussor in tacita reconductione tenebitur. Nam responderetur, quod revocata tacite conductio vinculis pignorum renovata censeret; quia sunt ipsius conductoris, qui ultrò se in nova obligatione constituit, non autem si alius pro eo res suas obligavit. Nam tunc idem dicendum est de pignoribus, ac dicimus de fidejussore, l. item 13. §. ultimo, ff. locai: docuit Arnoldus Vinius lib. 2. select. cap. 41. Nec etiam obstat tempus non esse modum tollendi obligationem, l. obligationem 44. §. 1 ff. de obi. & att. nam cum fidejussoris obligatio certo tempore circumscribitur, & limitatur, id non tam cōspectat, ut tempore obligatio finiatur, quam ut ne post illud tempus, aut pro alterius temporis obligatione fidejussor reneatur; quemadmodum si cum ducenta deberentur, in centum fidejussor datus est; nemo enim dicit fidejussionem respectu residui finitam esse; at sicut summa, ita & dies pars est stipulationis, l. 1. §. 2. ff. de edendo, Faber in suo Codice, iii. de fidejuss. diffinit. 25. Heringius dict. cap. 20. §. 18. n. 4. Huic casu alium adjungi Arnoldus Vinius dict. lib. 2. cap. 42. cum non tempus obligationis, sed dies solutioni adiecta prorogatur; quo casu contra communem Interpretum sententiam defendit fidejussorem etiam prorogata solutionis die teneri.

TITULUS